

Վ. Ի. ԼԵՆԻՆԸ ԵՎ ՍՈՎԵՏԱԿԱՆ ԻՇԽԱՆՈՒԹՅԱՆ ԱԳՐԱՐԱՅԻՆ
ԱՌԱՋԻՆ ՎԵՐԱՓՈԽՈՒՄՆԵՐԸ

Գ. Վ. ՇԱՌՈՅԱՆ

Պատմական գիտությունների դոկտոր

Կարլ Մարքսը ուղիղ հարյուր տարի առաջ, 1869 թ. դեկտեմբերին, դրել է. «Հողային սեփականությունը, որն ամեն տեսակի հարստության աղբյուր է, դարձել է մեծ պրոբլեմ, որի լուծումից էլ կախված է բանվոր դասակարգի ապագան... Հողը պետք է լինի միայն ազգային սեփականություն... Հողի ազգայնացումը լիակատար փոփոխություն կմտցնի աշխատանքի և կապիտալի հարաբերակցության մեջ ու վերջին հաշվով բոլորովին կոշնչացնի կապիտալիստական արտադրությունը՝ ինչպես արդյունաբերության, այնպես էլ գյուղատնտեսության մեջ»¹:

Հողի հասարակական սեփականության գաղափարը, նրա ազգայնացման մարքսյան դրույթն իր հետագա զարգացումը գտավ Վ. Ի. Լենինի աշխատություններում և առաջին անգամ իրականություն դարձավ Սովետական Ռուսաստանում:

Հոկտեմբերյան հեղափոխությունը նոր դարագլուխ բացեց ագրարային հարաբերությունների համաշխարհային պատմության մեջ: Նա Ռուսաստանում կործանեց հին, իրենց դարն ապրած ագրարային հարաբերություններն և հասարակության նյութական հարստությունների սկզբնաղբյուրը՝ հողը, առանց որևէ հատուցման, հանձնեց աշխատավոր գյուղացիությանը:

Դեռևս 1917 թ. ապրիլին բոլշևիկների կուսակցության յոթերորդ կոնֆերանսը քննության առնելով Վ. Ի. Լենինի զեկուցումը ագրարային հարցի վերաբերյալ, ընդունում է մի ընդարձակ բանաձև, որի մեջ շարադրված են տվյալ պատմական էպոխային համապատասխան հեղափոխական սոցիալ-դեմոկրատիայի ագրարային ծրագիրը, ագրարային վերափոխումների բոլշևիկյան պահանջները:

Այդ բանաձևում ասված է. «Պրոլետարիատի կուսակցությունը բոլոր ուժերով պայքարում է բոլոր կալվածատիրական (ինչպես նաև արքունական, եկեղեցական, կաթինատային և այլն և այլն) հողերը Ռուսաստանում անհապաղ ու լիովին բռնագրավելու համար... Պրոլետարիատի կուսակցությունը պահանջում է պետության մեջ եղած բոլոր հողերի ազգայնացում»²:

Մոտ մի ամիս անց, 1917 թ. մայիսին, Գյուղացիական սովետների համառուսաստանյան առաջին համագումարում, որի ղեկավարությունը գտնվում էր էսէռների ձեռքում, բոլշևիկյան ֆրակցիան ագրարային հարցի վերաբերյալ առաջարկած իր բանաձևի նախագծում, որը գրել էր Վ. Ի. Լենինը, նշվում է.

¹ К. Маркс и Ф. Энгельс, Соч., т. XIII, ч. I, стр. 340—342.

² ՍՄԿԿ-ն համագումարների, կոնֆերանսների և կենտկոմի պլենումների բանաձևերում և որոշումներում, I մաս, Երևան, 1954, էջ 427:

«Ռուսը կալվածատիրական և մասնավոր-սեփականատիրական, ինչպես նաև արքունական, եկեղեցապատկան և այլ հողերն անհապաղ պետք է անցնեն ժողովրդին առանց որևէ վճարի... հողի մասնավոր սեփականությունն առհասարակ պետք է ոչնչացվի...»³

Վերոհիշյալ մեջբերումները երբ բաղդատում ենք 1917 թ. հոկտեմբերի 26-ի (նոյեմբերի 8-ի) Հոգի մասին դեկրետի առաջին հրկու հոդվածների հետ, տեսնում ենք շատ որոշակի նմանություն։ Այսպես, օրինակ, «Հողի կալվածատիրական սեփականությունը,— ասված է Հողի մասին դեկրետում,— վերացվում է անմիջապես, առանց որևէ հատուցման։ Կալվածատերերի կալվածքները, ինչպես և արքունական, վանքապատկան, եկեղեցապատկան բոլոր հողերը, նրանց ամբողջ կենդանի և մեռյալ ինվենտարով, դաստակերտային շենքերով և լուրջ պաականեիքներով անցնում են վոլոստային հողային կոմիտեների և գյուղացիների դեպուտատների գավառային սովետների տնօրինությանը...»⁴

Ի՞նչ դրան էլ ավելացնենք Հողի մասին դեկրետի հիմքում դրված գյուղացիական «նական» այն պահանջը, որտեղ ասված է, թե «Հողի մասնավոր սեփականության իրավունքը վերացվում է ընդմիշտ» և հրկի «ամբողջ հողը՝ տնտեսական, արքունական, պալատական, վանքապատկան, եկեղեցապատկան, տոստևսիոն, մայրատային, մասնատիրական, հասարակական ու գյուղացիական և այլն՝ օտարվում է անվճար, վեր է ածվում համաժողովրդական սեփականության և անցնում է նրա վրա բոլոր աշխատողների օգտագործմանը»⁵, ասյու կարող ենք եզրակացնել, որ Հոկտեմբերյան սոցիալիստական մեծ հեղափոխության հաղթանակով իրագործվեց «կալվածատիրական բոլոր հողերը Ռուսաստանում անհապաղ ու լիովին բռնագրավելու և պետության մեջ եղած բոլոր հողերի աւույանացման» բոլշևիկյան կուսակցության ագրարային ծրագրի մերձավորապես պահանջը։

Այսպիսով, Ռուսաստանի գյուղացիության հողի մասնավոր սեփականությունը վերացնելու և այն հասարակական դարձնելու «նական» լիովին համընկնում էր բոլշևիկների հողի բռնագրավման ու աղգայնացման ծրագրի հետ։ Մի ծրագիր, որը իրականություն դարձավ պրոլետարիատի դիկտատուրայի հաստատմամբ։

Դե գյուղացիական «նական» միայն մի կողմն էր։

Նորաստեղծ սովետական իշխանության ագրարային քաղաքականությունն աւույարարող Հողի մասին դեկրետի հիմքում դրված գյուղացիական «նական», սակայն, իր մյուս կողմով սկզբունքային հակադրության մեջ էր բոլշևիկների մարքսիստական պահանջի հետ։ Ռուսաստանում հողային հարցը լուծող համադյուղացիական «նական», որը գավառներից ստացված 242 նականների հիման վրա կազմել և 1917 թ. օգոստոսի 19-ին հրապարակել էին էսենները, առաջարկում էր հասարակական սեփականություն հայտարարվող հողի օգտագործման հիմքում դնել հավասարաբարության սկզբունքը (սոցիալիզացիան)։ Մի բան, որին դեմ էին բոլշևիկները։ Համադյուղացիական «նականում» բառացի ասված է հետևյալը. «Հողօգտագործումը պետք է լինի հավասար, այսինքն՝

3 Վ. Ի. Լենին, Նրկեր, հ. 24, էջ 611։

4 Վ. Ի. Լենին, Նրկեր, հ. 26, էջ 308։

5 Նույն տեղում, էջ 309։

հողը բաժանվում է աշխատողների միջև, նայած տեղական պայմաններին, աշխատանքային կամ սպառողական նորմայով»⁶:

Ձևալած հողի հավասարաբարության (սոցիալիզացիայի) մանրբութունական բնույթին, այնուհանդերձ Վ. Ի. Լենինը այն, ժամանակավորապես, դրեց իր կողմից առաջարկված Հողի մասին դեկրետի հիմքում, որովհետև այդպիսին էր Ռուսաստանի գյուղացիության ձնշող մեծամասնության կամքը: Պատմության այդ օրերին հողօգտագործման հավասարաբարությունը ոչ միայն չէր խանգարում սովետական իշխանության ագրարային առաջին վերափոխումներին, այլ, ընդհակառակը, լրջորեն օգնում ու օժանդակում էր հեղափոխական խանդավառության համակված աշխատավոր գյուղացիությանը պայքարի ելնելու նախ՝ կալվածատիրության, ապա և կուլակության դեմ: Անդրադառնալով գյուղացիության հեղափոխական դերի գնահատմանը, Վ. Ի. Լենինը 1921 թ. կոմիտե-տերնի 3-րդ կոնգրեսում, նշում է, որ հեղափոխություն մենք հաղթեցինք, որովհետև «...Գյուղացիական մասսաների 9/10-րդը մի քանի շաբաթվա ընթացքում անցավ մեր կողմը»⁷:

Հայտնի է, որ մինչև սովետական կարգերի հաստատումը, Ռուսաստանի աշխատավոր գյուղացիությունը պահանջել և պայքարել է վերացնելու հողի մասնավոր սեփականությունը, այն դարձնելու համընդհանուր՝ պետական-համաժողովրդական սեփականություն: Սակայն այդ ակնհայտ ձգձարտությունը աղավաղվել է պատմության բուրժուական կեղծարարների, այդ թվում և դաշնակցության «տեսաբանների» կողմից: Գյուղացիությունը «բնազդով» ու «իդեալով» հողի մասնավոր սեփականատեր է, «մասնավոր սեփականությունը», — գրում է Ռ. Դարբինյանը, — անոր (գյուղացիության, Գ. Շ.) բնազդն է և միաժամանակ իդեալը, և չի կա որևէ ուժ, որ կարենա խեղդել անոր մեջ այդ բնազդն ու իդեալը»⁸:

Գյուղացու հողի մասնավոր սեփականատիրական «բնազդի» և «իդեալի» բուրժուական ռեակցիոն փիլիսոփայությանը հարազատ, Ռ. Դարբինյանը պնդում է, թե ռուս բուլժեիկները, երբ անցան իշխանության գլուխ, «յուրացրին» էսէռների ծրագիրը հողի «սոցիալիզացիայի կամ համայնացման» մասին և «բռնի ուժով ջանացին իրագործել զայն»⁹:

Իհնչեք «բռնի ուժի» մասին է խոսքը: Ռուսաստանի բաղամամիլիոն ու բալամազգ աշխատավոր գյուղացիությունը անվերապահորեն ճանաչեց սովետական իշխանության ո՛չ միայն առաջին դեկրետը՝ Հողի մասին (1917 թ. նոյեմբերի 8-ը), այլև՝ ինչպես կտեսնենք, 1918 թ. փետրվարի 19-ի օրենքը Հողի սոցիալիզացիայի մասին և հեղափոխական պաթոսով անցավ ագրարային հարաբերությունները վերափոխող պատմական այդ դեկրետների կենսագործմանը:

Սովետական իշխանության հաղթական երթի օրերին գյուղացիական սովետների գլխավորությամբ Ռուսաստանում արագորեն վերացվում էր կալվածատիրությունը և իրականություն էր դառնում աշխատավոր գյուղացիության դարավոր երազանքը:

Սակայն, միայն կալվածատիրության վերացումը, որն ըստ էության նշանակում էր բուրժուա-դեմոկրատական հեղափոխության խնդրի կատարում, չէր

⁶ Վ. Ի. Լենին, Երկեր, հ. 26, էջ 310:

⁷ В. И. Ленин. ПСС, т. 44, стр. 30.

⁸ «Հայրենիք», ամսագիր, 7 մայիսի 1923 թ., էջ 208:

⁹ Նույն տեղում. էջ 207:

լուսավարարում սոցիալիստական հեղափոխության ելած պրոլետարիատի դաշնակից գյուղի շրջվոր ու աշխատավոր մասսաների պահանջը, չէր ապահովում այդ մասսաների նյութական վիճակի արմատական բարելավումը:

Պետք է, ր առաջ դնալ, նոր վճռական քայլեր կատարել՝ հողը գյուղի բուն աշխատավորներին տրամադրելու համար:

Բանվորների և գյուղացիների պատգամավորների սովետների համառու-սաստանյան 3-րդ համագումարը 1918 թ. հունվարի 18-ին (հունվարի 31-ին) հալանություն տվեց սովետական կառավարության ագրարային քաղաքականությանը: Համագումարը միաժամանակ հաստատեց հողային նոր օրենքի նախագծի հիմնական դրույթները և հանձնարարեց ԿԳԿ-ին՝ հաշվի առնել համագումարում ադրարային հարցի շուրջը արված առաջարկություններն ու դիտողությունները, խմբագրել, վերջնական տեսք տալ Հողային նոր օրենքին, և ապա դնել դրոծողության մեջ: Այդ նպատակով ստեղծվեց հատուկ հանձնաժողով, որի կազմում մտան բոլշևիկներից Վ. Ի. Լենինը և Սեմյոն Իվանովը, իսկ ձախ էսէռներից Ա. Լ. Կոլեզայևը և Ա. Մ. Ուստինովը:

Վ. Ի. Լենինը մեծ նշանակություն էր տալիս Հողային նոր օրենքին: Նա արևյ մի շարք լրացումներ և ուղղումներ Լենինը օրերով իր ժամանակն անցկացնելով վերոհիշյալ հանձնաժողովում, վիճաբանում էր ձախ էսէռների հետ, լեղու դռնում, հղում ու ձևակերպում էր սովետական Հողային նոր օրենքը՝ իր լավամթիվ հողվածներով¹⁰:

Խմբագրական հանձնաժողովում վեճը բոլշևիկների և ձախ էսէռների միջև սկսվում էր րնույթ էր կրում: Մի վեճ, որը նոր չէր, այն գալիս էր մոտիկ անցյալից: Այլ էր հողի սոցիալիզացիայի օրենքի բուն էությունն ու խնդիրները բոլշևիկների մոտ, այլ էր այն ձախ էսէռների մոտ: Նրա ձախ էսէռները հողի սոցիալիզացիայի օրենսդրության հիմնական բովանդակությունն ու խնդիրները տեսնում էին հողի մասնավոր սեփականության վերացման, հողի աշխատավորական օդազործման և հողը սպառողական-աշխատանքային նորմայով հավասարարության հիմունքներով բաժանելու հակասական, իրարամերժ դրույթների մեջ, ապա Վ. Ի. Լենինը (բոլշևիկները) հողի սոցիալիզացիայի օրենքի հիմքում դնում էր երեք հանգուցային պրոբլեմներ և առաջարկում դրանց լուծման ուղիները: Իրանցից առաջինը այն էր, որ Վ. Ի. Լենինը, տակտիկական նկատառումներով, դեմ չէր հողօգտագործման հավասարարության կիրառմանը որպես ժամանակավոր միջոցառում, երկրորդ. պաշտպանում էր հողի ազգայնացման դադարարը և երրորդ. ագրարային վերափոխումների մեջ տեսնում էր մանր, կոտորակված հողօգտագործումից հողի կոլեկտիվ, հասարակական մշակմանն անցնելու անհրաժեշտությունը:

Այդ ևն ապացուցում Լենինի քննադատական մտքերը, որոնք շարադրված են 1918 թ. գրված նրա «Պրոլետարական հեղափոխությունը և ռենագատ Կաուցկին» հայտնի աշխատության մեջ:

Անցնելով վերոհիշյալ երեք հարցերի մեկնաբանմանը, Վ. Ի. Լենինը դրում է. «Հողի սոցիալիզացիայի օրենքն անցկացնելով,— մի օրենք, որի «հողին» հավասարաբար հողօգտագործման լոզունգն է,— բոլշևիկներն ամենալիակատար ճշգրտությամբ ու որոշակիությամբ հայտարարեցին. այդ գաղափարը մերը չէ, մենք համաձայն չենք այդ լոզունգին, մենք մեր պարտքն ենք

¹⁰ Տե՛ս Վ. Ի. Լենին, Երկեր, հ. 50, էջ 29:

համարում անցկացնել այն, որովհետև այդպես է գյուղացիների ձնշող մեծամասնության պահանջը: Իսկ աշխատավորների մեծամասնության գաղափարն ու պահանջները նրանք իրենք պետք է հաղթանակեն. այդպիսի պահանջները ոչ կարելի է «վերացնել», ոչ նրանց վրայով սցառվել: Մենք, բոլշևիկներս, կօգնենք գյուղացիությանը՝ հաղթահարելու մանրբուրժուական լոգունները, դրանցից որքան կարելի է արագ և որքան կարելի է հեշտ անցնելու սոցիալիստական լոգուններին»¹¹:

Այնուհետև անդրադառնալով հողի ազգայնացման հարցին, Վ. Ի. Լենինը ասում է, որ «նարողները», այդ թվում և ձախ էսէները, սովետական իշխանության հողային քաղաքականությունը հողի ազգայնացում չեն համարում: Մերժելով նման դիրքորոշումը, նա գտնում է, որ բանվոր դասակարգի պետականության օրոք հողի մասնավոր սեփականության ոչնչացումը և այն հասարակական դարձնելը, ոչ այլ ինչ է, քան հողի ազգայնացում: Դրանից բացի Սովետական Ռուսաստանում ստեղծվել էին այնպիսի «հողային կարգեր», — գրում է Լենինը, — որոնք ամենից ավելի ճկուն են՝ սոցիալիզմին անցնելու իմաստով»¹²:

Ինչ վերաբերում է երրորդ հարցին, այսինքն Վ. Ի. Լենինը նկատում է, որ Սովետական Ռուսաստանում բանվոր դասակարգի պետության ձեռքում են հտնվում շատ հնարավորություններ (ֆարրիկաներ, գործարաններ և այլն), որպեսզի օգնենք գյուղացիությանը անցնելու սոցիալիզմին, և արդեն 1918 թ. կային տասնյակ սովետներ, հարյուրավոր գյուղատնտեսական կոմունաներ, ու արտեներ, որոնք առաջին քայլերն էին՝ գեպի հողի հասարակական մշակումը: Բացի դրանից «Հողի ազգայնացումը», — ասում է Վ. Ի. Լենինը, — պրոլետարական պետությանը տվել է հողագործության մեջ սոցիալիզմին անցնելու ամենամեծ հնարավորությունները»¹³:

Հողի սոցիալիզացիայի օրենքը խմբագրող հանձնաժողովում պայքարի ելքը կանխորոշվեց հօգուտ բոլշևիկների:

1918 թ. հունվարի 29-ին (փետրվարի 9-ին) ՌՍՖՍՀ Կենտգործկոմը քրննության է առնում հողի սոցիալիզացիայի մասին խմբագրված օրենքի նախագիծը, հաստատում է այն, հրապարակում մամուլում փետրվարի 6-ին (փետրվարի 19-ին) ու դնում գործողության մեջ: Հողի սոցիալիզացիայի մասին օրենքում, որպես մի ամբողջական օրենսդրական վավերագրի, արտացոլված է երկու սոցիալական գիծ, երկու կուսակցությունների քաղաքական ուղղություն:

Այդ օրենքում ազդարարվում էր հողի, ընդերքի, ջրերի, անտառների բնության կենդանի ուժերի սեփականատիրության վերացում: Հողը առանց որևէ հտգնման անցնում էր ամբողջ աշխատավոր ժողովրդի օգտագործմանը: Հայտարարվում էր հողօգտագործման աշխատավորական սկզբունքը՝ հավասար բաժանմամբ: Այդ հավասարարությունը պիտի կատարվեր սպառողական-աշխատանքային նորմաների համաձայն, որը սակայն չպետք է գերազանցեր առանձին տնտեսություններում առկա գտնված աշխատունակ ուժերի:

¹¹ Նույն տեղում, հ. 28, էջ 393:

¹² Նույն տեղում, էջ 400:

¹³ Նույն տեղում, էջ 401:

կարողությունը և միաժամանակ հնարավորություն տար հողագործի ընտանիքի անաղքատ դուրսընթացը¹⁴։

Այդ ամենը գյուղացիական մանր արտադրողների պահանջն էր, որ գրի առնվեց հողի սոցիալիզացիայի մասին օրենքում։ Սակայն բուլշևիկները Վ. Ի. Լենինի դիմավորությամբ, ձախ էսէոների կամքին հակառակ, կարողացան հողի սոցիալիզացիայի մասին օրենքում մի շարք հողվածների տալ այնպիսի ձեռնարկումներ, որոնց կիրառումը հնարավորություն էր ընձեռում հողագործության մեջ հիմնելու նաև սյետական ու կոլեկտիվ տնտեսություններ։

Օրինակ, հիշյալ օրենքի 13, 20, 35 և էլի մի շարք հողվածներ այդ են վկայում։ Օրենքի 13-րդ հոդվածում գրված է, որ գյուղատնտեսական կուլտուրան բարձրացնելու նպատակով սովետական իշխանության օրգաններին է տրվում հողի որոշակի հատվածներ 20-րդ հոդվածով հողօգտագործման իրավունքը առաջին հերթին տրվում էր սյետությանը՝ սովետական իշխանության կենտրոնական ու տեղական օրգաններին, հասարակական կազմակերպություններին, գյուղատնտեսական կոմունաներին և ընկերություններին, ապա գյուղական համայնքներին և առանձին ընտանիքներին ու անձանց¹⁵։

Ձախ էսէոները, վերծնում էին սովետական իշխանության ագրարային քաղաքականության հիմքում դնել ստույգիականության ոգին արտահայտող հողօգտագործման հատվածային (օտրուբային) ձևը, որ նշանակում էր կուլակության, գյուղի ունեւորների և ունճացած միջակության ձգտումների պաշտպանություն։

Այսպես, Լեսոները պաշտպանելով հողը «աշխատանքային» կամ «սպառողական» նորմայով «հավասարարության» հիմունքներով գյուղացիության միջև ռաժանելումանրորժուական հակասական ու մշտապատ պահանջը, կամենում էին յուրաքանչյուր գյուղացիական տնտեսությանը տալ այնքան հող, ինչքան որ նա կարող էր իր աշխատանքով (և արտադրության միջոցներով) մշակել։ Ընդ որում, այդ «հավասարարությանը» էսէոները ձգտում էին հասնել ոչ թե պրոլետարիատի դիկտատուրայի օրոք, այլ բուրժուական լայն դեմոկրատիայի հաստատմամբ։ Ինքնին հասկանալի է ու տրամաբանական, որ ապրանքային տնտեսության պայմաններում էսէոական «հավասարարությունը» («սոցիալիզացիան») դառնում էր ցնորք և հողը կենտրոնանալու էր գյուղում հատվածային (օտրուբային) տնտեսություն վարող ունեւոր գյուղացիության ձեռքում։

Դրան հակառակ, բուլշևիկները արտահայտելով աշխատավոր գյուղացիության շահերը, պաշտպանեցին և առաջ մղեցին Ռուսաստանի համագյուղացիական Նակադի ագրարային հարաբերությունները հեղաշրջող պահանջները և, հենվելով Սովետների համառուսաստանյան երրորդ համագումարի մեծամասնության կամքի վրա, առաջարկեցին հողօգտագործման այնպիսի ձևեր, որոնք հիմքեր էին նախապատրաստելու գյուղացիությանը սոցիալիստական հողօգտագործման ռեւերի վրա փոխադրելու համար։ Այդ իմաստով էլ ուշագրավ է հողի սոցիալիզացիայի մասին օրենքի 35-րդ հոդվածը, ըստ որի «Սոցիալիզմին շուտ հասնելու նպատակով, Ռուսաստանի Սովետական Ֆեդերատիվ Հանրապետությունը ամեն կարգի աշակցություն (կուլտուրական և նյութական

¹⁴ «Сборник документов по земельному законодательству СССР и РСФСР», М., 1951, стр. 24.

¹⁵ Նույն տեղում, էջ 25։

օգնություն) է ցույց տալու հողի հասարակական մշակմանը, առավելություն տալով աշխատավորական կոմունիստական արտելներին ու կոոպերատիվ տնտեսություններին՝ մենատնտեսների հանդեպ»¹⁶։

Ինչպես տեսնում ենք, բուլշևիկների և ձախ էսէռների առաջարկած ագրարային կուրսը բխում էր տարբեր սկզբունքներից, արտահայտում էր տրամագծորեն հակադիր երկու քաղաքական ուղղություն։

Կյանքը գնաց Վ. Ի. Լենինի (բուլշևիկների) ցույց տված ուղիով։

Ինչպես հողի մասին դեկրետը, այնպես էլ հողի սոցիալիզացիայի մասին օրենքը ջերմ ընդունելություն գտան չքավոր ու աշխատավոր. գյուղացիության շրջաններում։ Նրանք դաշնակցած բանվոր դասակարգի հետ վերացրին կալվածատիրությունը, բռնագրավելով նրանց տիրույթները և ունեցվածքը և իրենց դասակարգային պայքարի հարվածներն ուղղեցին կուլակության դեմ։

1918 թ. գարնան և ամառվա ամիսներին Սովետական Ռուսաստանի գյուղերում ստեղծվեցին չքավորական կոմիտեներ։ Չքավոր գյուղացիությանը օգնության հասավ քաղաքի պրոլետարիատը։ Մեկ տարվա ընթացքում, 1917 թ. նոյեմբերից մինչև 1918 թ. նոյեմբերը, Սովետական Ռուսաստանում կատարվեցին ագրարային մեծագույն վերափոխումներ, կատարվեց իսկական ագրարային հեղափոխություն։ Գյուղացիության աշխատավորական օգտագործմանն անցան կալվածատիրական, թագավորական ընտանիքի, վանքապատկան ու կուլակային հսկայական հողատարածություններ։

Մեր երկրում կատարված ագրարային վերափոխումների հետևանքով, չքավոր ու միջակ գյուղացիության օգտագործմանն են անցնում կալվածատիրական, թագավորական ընտանիքի և վանքապատկան 152 միլիոն հեկտար հողատարածություններ։ Բացի դրանից, աշխատավոր գյուղացիությանն է տրվում նաև կուլակությունից բռնագրավված շուրջ 50 միլիոն հեկտար հող։ Նվեթե մինչև Հոկտեմբերյան հեղափոխությունը Ռուսաստանի աշխատավոր գյուղացիությունը (չքավոր ու միջակ) ուներ ընդամենը 135 միլիոն հեկտար հողատարածություն, ապա սովետական ագրարային վերափոխումների հետևանքով այդ տարածությունը հասնում է 337 միլիոն հեկտարի։ Կալվածատիրական-ֆեոդալական խոշոր հողատիրությունը իսպառ վերացվում է, կուլակության ձեռքին հղած 80 միլիոն հեկտարից մնում է 30 միլիոնը¹⁷։

Ռեակցիայի գլխավոր սոցիալական պատվարի՝ կալվածատիրության վերացումով աշխատավոր գյուղացիության ձեռքը անցավ նաև 300 միլիոն ռուբլու արժողությամբ կալվածատիրական ունեցվածք (ինվենտար)։ Գյուղացիությունը ազատվեց տարեկան 700 միլիոն ռուբլու հող գնելուց ու վարձավճար մուծելուց, նա ազատվեց նաև ավելի քան 3,5 միլիարդ ռուբլու (ոսկով) պարտքից։ Շուրջ երկու և կես միլիոն գյուղացիական տնտեսություններ զաղարեցին գյուղացիական բանկին պարտք լինելուց¹⁸։

¹⁶ Նույն տեղում, էջ 29։

¹⁷ Տե՛ս «Народное хозяйство СССР», статистический сборник, М., 1956, стр. 97.

¹⁸ Տե՛ս Ա. Մ. Անֆիմովի քննադատական դիտողությունները՝ «Вопросы истории», 1955, № 1, էջ 111—112։

Ի դեպ նկատենք, որ սովետական պատմադրության մեջ շատ տարածված է եղել այն կարծիքը, որ Ռուսաստանի գյուղացիությունը գյուղացիական բանկին պարտք է եղել 1 միլիարդ 300 միլիոն ռուբլի։

Սովետական իշխանության ագրարային քաղաքականությունը արագորեն կերպարանափոխեց դյուդրո՝ Դյուդացիության սոցիալական կազմի մեջ կատարվեցին յուրջ տեղաշարժեր, կուլակությունը պակասեց երեք անգամ, նթև մինչև Հոկտեմբերյան սոցիալիստական մեծ հեղափոխությունը կուլակությունը կազմում էր Ռուսաստանի դյուդացիության 15 տոկոսը, ապա 1918 թ. վերջում՝ մոտ հինգ տոկոսը, Հոկտեմբերյան մեծ հեղափոխության նախօրյակին լրավոր դյուդացիությունը կազմում էր Լրկրի ամբողջ դյուդացիության 65 տոկոսը, միջակները՝ 20 տոկոսը, Դրան հակառակ 1919 թ. սկզբներին միջակ դյուդացին դարձավ Սովետական Ռուսաստանի դյուդի կենտրոնական գեմբը¹⁹:

Սովետական իշխանության ագրարային առաջին վերափոխումների հետևանքով կապված նաև առաջին հողագործական կոմունաների և արտելների առաջացումը: Սոսավոր հաշվումները ցույց են տալիս, որ 1918 թ. ՍՍՀՄ-ի տերիտորիայի Լիրուպկտն մասում, որտեղ իշխում էին սովետները, կազմակերպվել էին 1361 դյուդատնտեսական կոմունաներ, 1189 արտելներ, 146 հողը համատեղ մշակող ընկերություններ և 254 կոլեկտիվ տնտեսություններ, որոնց ձևը մնացել է անհայտ, ընդամենը՝ 2950²⁰:

Ռուսաստանում սովետական իշխանության գոյության առաջին տարում կատարված ագրարային առաջին մեծ վերափոխումները սոցիալական ամուր հիմք ստեղծեցին ավելի ամբայնդեղու բանվոր դասակարգի և աշխատավոր դյուդացիության քաղաքական դաշինքը:

Այսպիսով, ագրարային վերափոխումների լենինյան ստրատեգիական ու տուտիկական նախագծումներն իրենց փայլուն կիրառումը գտան մեր երկրում սովետական իշխանության օրոք, պրոլետարիատի դիկտատուրայի պայմաններում:

В. И. ЛЕНИН И ПЕРВЫЕ АГРАРНЫЕ ПРЕОБРАЗОВАНИЯ СОВЕТСКОЙ ВЛАСТИ

Г. В. ШАРОЯН

Доктор исторических наук

Р е з ю м е

Первые аграрные преобразования Советской власти в России, осуществленные непосредственно под руководством В. И. Ленина, являются поучительным примером решения аграрного вопроса как в теории, так и на практике. В результате осуществления ленинского декрета о земле, вся земля в стране была национализирована и передана крестьянам для трудового пользования; был ликвидирован класс помещиков, конфискованы земли, сконцентрированные в руках кулаков.

В процессе первых аграрных преобразований в Советской России в 1918 г. произошли коренные социально-классовые перемены. Была заложена прочная социальная основа для дальнейшего укрепления политического союза рабочего класса и трудового крестьянства в нашей стране.

¹⁹ Տե՛ս «История СССР», М., 1967, т. VII, стр. 427.

²⁰ Տե՛ս П. Н. Першин, Аграрная революция в России, М., 1966, книга 2, стр. 516.